

ANG MGA SUMUSUNOD AY PAGPAPALIWANAG NI SHAYKH AHMAD MUSA JIBRIL PATUNGKOL SA ILANG KATANUNGAN SA USAPIN NG ZAKATUL FITRA

ISINALI AT SINURI NI NUR AD-DEEN

(IFOLLOW ANG PAGE NA LIGHT UPON LIGHT SA FACEBOOK PARA SA KARAGDAGANG KAALAMAN MULA SA DAWAH NG SHAYKH NA ITO SA WIKANG TAGALOG. SI SHAYKH AHMAD MUSA JIBRIL AY KILALANG ALIM NA NANININDIGAN SA HAQQ KAHIT PA IKAPAHAMAK NIYA ITO. NAWAY PROTEKTAHAN SIYA NI ALLAH)

PAGE LINK: <https://www.facebook.com/share/14zBGNyBKu/>

Bismillah Alhamdulillah Wasalat Wasalamu Ala Rasulillah Amma Ba'd:

Nawa'y ipahintulot ni Allah (وتعالى سبحانه) na ito ay para sa kanya at sa kanyang kapakanan lamang at nawa'y makinabang ang mga Muslim mula dito.

Nakalap ng mga tanong at sagot tungkol sa Zakat al-Fitr :

1. Ano ang Zakat al-Fitr ?

Ang Zakat al-Fitr ay isang kawanggawa na ibinibigay sa pagtatapos ng Ramadan o sa umaga ng Eid al-Fitr .

Pinangalanan itong Zakat al-Fitr dahil ibinibigay ito kapag ang mga Muslim ay nag-aayuno sa pagtatapos ng Ramadan.

2. Kailan ipinagutos ang Zakat al-Fitr ?

Tila ito ay ipinagutos kasabay ng pag-uutos ng Ramadan sa ika-2 taon ng Hijrah , dahil ito ay bahagi ng Ramadan, at wala tayong alam sa alinmang Ramadan na nag-aayuno ang mga Sahabah (عنهم الله رضي) kung saan hindi sila nagbigay ng Zakat al-Fitr .

3. Ito ba ay isang paguutos (na obligado) o isang sunnah (lamang)?

Ito ay isang “pag-uutos” at isang “obligasyon” nang walang anumang pagdududa.

Ang Propeta ﷺ ay nagsabi sa isang hadith sa ilalim ng tanikala ni Ibn Umar (عنه الله رضي) sa parehong Bukhari at Muslim,

“Ang Propeta ay nag-takda ng Zakat al-Fitr saa’ ng datiles o saa’ ng trigo.”

Ang hadith ay malinaw sa pagsasabi na ang Propeta (ﷺ) ay “nag-takda”.

Si Imam Ibn al-Mundhir at iba pa ay nag-ulat ng ijmaa’ (ibig sabihin ay pinagkasunduan) at walang pagtatalo sa mga iskolar sa bagay na ito maliban sa hanafi madhab na naniniwala na ito ay wajib at hindi fard , isang pagtatalo lamang sa mga terminong ginamit ngunit ang resulta ay ang lahat ng mga iskolar ay naniniwala na ito ay isang obligasyon.

Sinasabi rin na ang talatang, “Siya ay tiyak na nagtagumpay na naglilinis ng kanyang sarili” [al-A’la 87:14] ay nangangahulugan ng Zakat al-Fitr .

4. Ano ang karunungan sa likod ng pag-tatakda ng gayong kawanggawa?

A) Paglilinis ng mga nag-aayuno mula sa labis na tsismis, masasamang salita, at paninirang-puri na kung saan ay palagiang nahuhulog ang mga tao. Kaya ang kawanggawa ay isang paglilinis at pagpapatawad para doon.

Malinaw na ipinaalam sa atin ni Ibn Abbas (عنهما الله رضي) ang layunin sa likod ng pagtatalaga sa kawanggawa na ito nang kanyang sinabi:

“Ang Propeta (ﷺ) ay nag-utos ng pagdalisay ng Zakat al-Fitr para sa isang nag-aayuno mula sa tsismis at labis na pag-uusap sa panahon ng pag-aayuno pati na rin ang isang kawanggawa para sa mga mahihirap.”

Ang hadith ay isinalaysay ni Abu Dawud, Ibn Majah, ad-Daraqutni, at al-Haakim na nagsabing ito ay tunay.

B) Upang tulungan ang mga mahihirap nang ang eid ay hindi dumating sa sinumang nangangailangan o namamalimos, at upang sila ay makahikayat sa mga Muslim na sila ay magkaroon kaligayahan at pagdiriwang.

Ang Propeta (ﷺ) ay nagsabi: “(Upang) liwas sila sa paglilibot sa pamalimos sa araw na ito”,

ibig sabihin ay ibigay ang kawanggawa na iyon upang hindi sila mamamalimos bagkus ay magsaya sa eid na ito, maging masaya dito at maglagay ng ngiti sa kanilang mga mukha.

5. Anong mga uri ng pagkain ang ibinibigay natin bilang kawanggawa para sa Zakat al-Fitr?

Maaari kang magbigay ng saa' ng datiles, trigo, pasas, na binanggit sa hadith ni Abu Saeed al-Khudri sa parehong Bukhari at Muslim.

Sinabi ng mga iskolar tulad ni Ibn Taymiyyah na maaari mong ibigay ang karaniwang pagkain ng mga tao noong panahong iyon tulad ng ginawa ng ilan sa mga sahabah.

6. Gusto kong bigyan ng tsokolate o kape sa halip na trigo o kanin?

Ang ibibigay mo ay dapat na isang bagay na maaaring ikabubuhay (ibig sabihin ay pangunahing pangangailangan). Katumbas ng trigo halimbawa ay bigas, biryani o anumang bagay na gusto nito.

7. Gaano karaming pagkain sa kawanggawa ang ibinibigay ko?

Maraming beses naming binanggit ang katagang saa'.

Iyan ay isa sa mga paraan na ginamit nila sa pagtimbang ng pagkain noong panahon ng Propeta (ﷺ).

Saa' ay ang pagpuno ng karaniwang mga kamay na pinagsama-sama ng 4 na beses.

Ang isang saa' ay katumbas ng (2.5 hanggang 3) Kilograms o (5.5 hanggang 6.5) pounds.

8. Hindi ko nais na magbigay ng pagkain bilang kawanggawa ngunit sa halip ay magbigay ng pera na katumbas ng halaga ng pagkain, magagawa ko ba iyon?

Tandaan: Ang magbigay sa isang masjid, charity organization, isang kamag-anak o isang taong pinagkakatiwalaan mo ng pera at pera upang bilhin ang pagkain at ibigay ito para sa iyong(zakatul fitr – ibig sabihin itong organisasyon o masjid ang mangangasiwa ng pagbibigay ng iyong zakah sa pamamagitan ng perang ibinigay mo bago ang 3 araw bago ang eid ,o bago ang mismong eid) ay pinahihintulutan dahil iyon ay tawkeel.

Ang pagbibigay sa isang kawanggawa, masjid, kamag-anak, o isang mahirap ng mismong pera sa halip na ang mga kategorya ng mga pagkaing binanggit namin ay pinagtatalunan at narito ang pagpapaliwanag:

1. Ang HIGIT SA NAKARARAMING bilang ng mga Ulama' at mga imam ay nagsabi na HINDI pinahihintulutan para sa iyo na magbigay ng Zakat al-Fitr sa pera bagkus DAPAT itong ibigay bilang pagkain.

Si Imam Ahmad (الله رحمه) ay nagsabi, "Natatakot ako na hindi ito tatanggapin bilang Zakat al-Fitr".

Ito rin ang madhab ng dakilang dalawang Imam, si Malik at Shafi' (الله رحمهم).

Si Imam Ibn Hazm (الله رحمه) ay nagsabi, “Hindi ito tatanggapin dahil iyon ang itinakda ng Propeta (ﷺ).”

Karaniwang ang patunay ay ang Propeta (ﷺ) ay nag-utos sa lahat ng hadith na ibigay ng pagkain.

At alam nating lahat na ang Propeta (ﷺ) ay binigyan ng Jawami' al-Kalim na nangangahulugang mahusay at tumpak na mga salita at parirala; ibig sabihin ay maaari niyang sabihin na magbigay ng saa' ng pagkain o isang bagay na katumbas ng ginto at pilak (dinar at dirham) na kilala noong panahong iyon ngunit hindi niya sinabi iyon kaya dapat tayong manatili sa kanyang sinabi.

2. Sinabi nina Imam Abu Hanifah at Ata' (الله رحمهم) na tinatanggap ang pagbibigay ng Zakat al-Fitr sa cash kaysa sa pagkain.

Ang patunay para sa ikalawang kampo ay ang kanilang ginawang layunin ng Zakat al-Fitr na pigilan ang mga mahihirap sa paghingi, at anuman ang pumipigil sa kanila sa pagtatanong kung ito ay maaaring pagkain o pera ay tinatanggap.

Gayundin, sinabi nila na ang mga mahihirap ay maaaring kunin ang pagkain at muling ibenta ito nang mas mura kaysa sa halaga nito upang makuha ang pera - kaya hindi sila nakikinabang sa buong saa' ng pagkain at hindi rin sila makukuha ang buong ng katumbas sa pera.

(OPINYON NI SHAYKH AHMAD JIBRIL)

Nakikita kong mahalagang bigyang-diin kung gaano katibay ang unang opinyon dahil matibay ang kanilang batayan sa pagsasabi na binanggit ng Propeta (ﷺ) ang mga kategorya ng pagkain at hindi ang pera na mayroon sila, na hindi katulad ng ibang kawanggawa na katulad ng Zakat al-Maal na kung saan ay ibinigay bilang pera.

Ito ay isang espesyal na zakat na dapat ibigay sa espesyal na paraan na sinabi sa atin na ibigay ito, katulad ng pagkain tulad ng ginawa ng Propeta (ﷺ), at higit pa, lahat ng henerasyon ng mga sahabah ay nagbigay ng pagkain, walang kahit isang sahabah ang kilala na nagbigay ng pera sa halip na pagkain.

Naglahad ako ng parehong mga opinyong pang-iskolar at alhamdulillah ito ay isyung fiqh ng Islam na lahat tayo ay marapat na unawain ang isa't isa kahit na hindi tayo nagkakasundo (patungkol sito) at hindi ito dapat magdulot ng sama ng loob at damdamin sa ating mga komunidad at masjid, lalo na sa mga panahon tulad ng eid. Sinasabi namin tulad ng mga matutuwid na naunang imam na nagbanggit sa mga usapin ng pagtatalo na katulad nito,

“Ang ating opinyon ay tama na may posibilidad na magkamali, at ang ating mga kapatid ay mali ngunit ito ay may posibilidad na maging tama.”

9. Sino ang dapat magbigay ng Zakat al-Fitr?

Bawat isang Muslim na lalaki at babae, bata o matanda, mahirap o mayaman.

Ang mga mahihirap na dapat magbigay ay yaong maaaring maglaan ng isang saa' sa kanilang mga sarili at ang mga ipinagkakatiwala sa kanila na suportahan maliban kung sila ay matutulog nang gutom sa gabi ng eid kung ibibigay ang Zakat al-Fitr.

Ang ama ng tahanan ay namamahala sa pagbibigay ng Zakat al-Fitr sa kanyang sarili at sa mga kailangan niyang suportahan sa pananalapi simula sa kanyang sarili, sa kanyang asawa, sa kanyang mga anak, sa kanyang ina at sa kanyang ama at sa iba pa niyang ginagastos at inaalagaan.

Sa Hadith ni Ibn Umar sa Bukhari at Muslim ay sinabi,

“Ang Propeta (ﷺ) ay nag-utos ng Zakat al-Fitr sa Ramadan sa malaya at sa alipin, sa lalaki at babae, sa mga bata at matatanda ng mga Muslim.”

Sa Hadith ng Tha'labah Ibn Abi Suer ito ay katulad ng naunang hadith na may karagdagan ng,

“... gayundin ang bawat mayaman o mahirap na Muslim, para mayayaman, si Allah ay magpapadalisa sa kanila, at sa mga mahirap, si Allah ay magbabalik sa kanila ng higit pa sa kanilang ibinibigay.”

Ang hadith na ito ay isinalaysay ni ad-Daraqutni.

Sinabi pa ng ilang sahabah na dapat ibigay ng mga magulang alang alang sa sanggol sa sinapupunan ng kanyang ina ngunit hindi sinabing ito ay obligado na gawin.

10. Kanino ko ito ibibigay?

Ang mga taong binibigyan mo ng ganitong uri ng zakat ay ikinategorya sa isang talata sa Qur'an:

إِنَّمَا الصَّدَقَاتُ لِلْفُقَرَاءِ وَالْمَسْكِينِ وَالْعَامِلِينَ عَلَيْهَا وَالْمُؤَلَّفَةِ قُلُوبُهُمْ وَفِي الرِّقَابِ وَالْغَارِمِينَ وَفِي سَبِيلِ اللَّهِ وَابْنِ السَّبِيلِ تَقْرِيضَةً مِّنَ اللَّهِ وَاللَّهُ عَلِيمٌ حَكِيمٌ

Ang As-Sadaqat (dito ay nangangahulugan ng Zakat) ay para lamang sa mga Fuqara' (mahirap), at Al-Masakin (mga mahihirap) at sa mga nagtatrabaho upang mangolekta (ang mga pondo); at upang maakit ang mga puso ng mga taong naging hilig (sa Islam);

at upang palayain ang mga bihag; at para sa mga may utang; at para sa Kapakanan ni Allah (i.e. para sa Mujahidun – yaong mga nakikipaglaban sa mga banal na digmaan), at para sa manlalakbay (isang manlalakbay na nahiwalay sa lahat); isang tungkuling ipinataw ni Allah. At si Allah ay Ganap na Nakaaalam, Ganap na Marunong. [at-Tawbah 9:60]

Ang pinakamaraming kategorya na dapat bigyan ng priyoridad sa lahat ng mga kategoryang iyon para sa Zakat al-Fitr sa partikular ay ang (mahirap at nangangailangan) dahil sinabi sa atin ng Propeta (ﷺ) na ang layunin ay upang matupad ang kanilang mga pangangailangan mula sa paghingi sa araw na iyon.

11. Mayroon akong mga kamag-anak na mahirap.

Oo, ang mga kamag-anak na hindi kinakailangang sumuporta sa pananalapi at mahihirap ay nararapat sa iyong zakat...

Ang mga kailangan mong suportahan ay tulad ng asawa, at mga anak.

Ang isang anak na babae na may asawa ay wala sa kategorya na kailangan mong suportahan, kaya maaari mong ibigay ang zakat sa kanya kung siya ay nangangailangan.

12. Kailan ako magbibigay ng Zakat al-Fitr?

Ito ay nagiging obligado sa iyo sa gabi bago ang eid.

Maaari itong ibigay sa gabi bago ang eid o dalawang gabi bago iyon.

Ang pinakamagandang oras para ibigay ito gayunpaman, ay bago ang Salah ng eid.

Sa Hadith ni Ibn Umar sa Bukhari at isang katulad sa Saheeh Muslim sinabi niya,

“...at para ito ay maibigay bago magsimula ang mga tao sa pagtungo sa Salah ng eid.”

Isinalaysay ni Ibn Abi Shaybah na sinabi ni Ibn Abbas,

“Mula sa sunnah na ang Zakat al-Fitr ay ibibigay bago ang Salah.”

Kung ito ay ibinigay ng isang araw o dalawa o kahit tatlo bago ang eid ito ay pinahihintulutan insha’Allah gaya ng sinabi ni Imam al-Kharkhi. Ang anumang bagay na higit pa diyan ay hindi nararapat o katanggap-tanggap (bilang Zakat al-Fitr) ngunit ituturing na isang regular na kawanggawa dahil ito ay napakalayo mula sa eid hindi na ito maiugnay sa Eid (al-Fitr).

Maaari mong ibigay ang zakat na pera sa isang tao sa unang bahagi ng Ramadan o anumang oras bago iyon sa kondisyon na sila ay may tungkuling/kakayahang pisikal na bumili ng pagkain at magbigay ng zakat sa mga mahihirap ilang araw bago ang Eid.

Maaari mo ring ibigay ang pagkain sa isang taong pinagkakatiwalaan mo mga araw o linggo bago ang eid sa kondisyon na ibibigay ito sa mga mahihirap ilang gabi bago ang eid.

13. Nakatira ako sa USA maaari ko bang ibigay ang aking zakat sa Palestine, Pakistan o India?

Ang Zakat al-Fitr at Zakat al-Maal, ay dapat ibigay sa lugar na iyong tinitirhan sa oras na nagaganap ang eid, maliban na lamang kung may matinding pangyayari na nag-aalis sa iyo niyan o walang mahihirap na tao sa iyong lugar.

Nawa'y tanggapin ng Allah (سبحانه وتعالى) ang ating pagdarasal at pag-aayuno at hayaan tayong mapabilang sa mga napalaya mula sa apoy ng impiyerno.

Ahmad Jibril

(ISINALIN AT SINURI NI NUR AD-DEEN 3-23-25)